

## CHE I VARAO DITO

Tante olte ié oldì ste parole e sen sigura che no sen l'unica: „Che varao dito i veci se i varao visto che ti ié fato o che ti sen diventà“. I veci jè intefi como mare, pare, nona o nonu. Ste parole le ié oldide per dele robe bele como per n moré che iò finì grandi scule o so catà n bel laor o so fato na bela fameia. N altri momenti ié oldì ste parole anca per robe no proprio bele e quafi sempro drìo la schena de qualchidun pensando a che varao dito n vecio de n fio nbriagon, o de na fia che no si varda la fameia como gorarao, o de n neodo che domanda sempro soldi e l jè pien de debiti...

Mi domandi chisa che varao dito i veci che no jè piun tra de noi con dute le robe che jè gambiade a sto mondo da quando i ndo lasà. Sen sigura che n piun de n momento no i varao credesto ai so oci o ale so recie e sigur i varao brontolà con parole che me varao fato ridi.

Se sa che na olta i veci, al tempo dei me noni no i viveva n richesa e i fadigava tanto per portà na biga de pan sun la banca ogni dì. No iera visi per i fioi e no se selgeva che magnà o che vistì. No se feva ogni momento n botega ma se pensava a che fa da magnà n tempo e se meteva sun la banca quel che se veva n cafa con le verdure che se grumava n campagna e con la carno dai anemai che se veva n stala. Robe dolse le se feva de ciaro, solo per le feste o co se vendeva qualcosa n cafa. Ancoi se magna quel che se vol e speso ai fioi no ghi va fo de cul quel che cufina le mari o le none. Jè piun fasile ji n botega a cio quel che se vol, ejisto i magnadi fati n premura e i panini e la carno comprada per le cal dele sità. I veci no varao mai pensà che na dì i moredi varao comprà l magnà n ogni canton o che i varao cercà i dolsi de dute le qualità. Forsi anca per questo na olta iera duti presapoco magri parché i magnava poco e robe cufinade e i laorava tanto. Se laorava duto el dì e se ripofava solo de noto co se durmiva e duti i laori se feva sudando. Adeso tanti laori se fa da sentadi, al caldo de dinverno e al fresco dal distà. I joveni varda da no stracase e da no sporcà i drapi parché par na vergogna che qualchidun te vedo con la maia sporca. Adeso se laora da sentadi e se riposa anca dal dì e gol destirase e n piun anca de noto. La jento de ancoi va anca a fa ginastica n palestra o n vari grupi a balà. I veci no varao mai dito che na dì se varao sta a fa ginastica e a pagala. I veci de na olta veva na bela ginastica ten le so campagne e con le bescie e pensede n pò no coreva pagà la loro ginastica. Deso la situasion gambia e con i presi che creso drìo man par che duti sta diventando piun poveri ma a guai a tornà a laorà la tera como na olta. Meio sta sina laor a cafa e domandà aiuti al stato che ji a piantà l magnà per no ve fam. Anca meio grumà le butiglie svode per i bidoni dele scovase ten le sità che ji a fa l operaio o l pescador. L laor quasi piun cercà dala jento jè netà le cafe dei turisti e par che l jè l piun pagà. Tanti speta l distà che rivo i turisti per daghi n afito le camere e le cafe per ciapà soldi per poi ji n ferie dal dinverno.

Per le cal vedi speso jento che pasegia con i cagneti. No se che varao dito i veci de na olta. Forsi na roba cusì parché la ié vuldida dala boca de na femena: „Ma ola la mi va a pasegio col can? Nvese de ji a netà la cafa e a cufinà. Iusto l can ghi ocoreva a questa.“

Na olta i veci tegneva le bescie per magnale o per fa la guardia. Nsoma solo parché le ghi ocoreva e no per visi. N piun ancoi se vedo piun cani che fioi n giro. E per dì l vero i iò anca tanti diriti quasi piun che i fioi. La jento no iò quasi piun uia de dedicase ai fioi ma i preferiso de ve n can o n gato per ji n giro, daghi solo da magnà, faghi le foto. E sta storia je piun che vera, na testimoniansa je quela dei me noni dala banda de me pare che i veva sie fioi ma nde iera anca altri che però i jè morti nel momento che se partotiva o prima. Dala banda de me mama nde iera gnove piun altri che no i je rivadi da nasi. Des no voldi piun sti numeri de fioi per le fameie.



N piun la storia dele foto n ogni momento del dì i veci no la varao mai capida. Sti Joveni e anca quei meno Joveni si fa tante de quele foto al dì. E poi i le meto su internet ola duti le varda. Vardando le poche foto che mo lasà i me noni ié solo da dighi grasie. Poche ma stagne. Le conta la storia dela me fameia e del modo de vivi de quel tempo sina tante monade. I problemi na olta i se risolveva ten le quatro mura e no sun internet.

Na olta le vecie netava le cafe con la scartasa e la strasa e le se stracava de sigur a fregà per tera o a lavà a man i drapi. Ma chisa che le varao dito del robot che scova per tera da solo o dela machina che mpasta l pan co ti ghi frachi l boton. Sigur le varao dito: „Ma porta via ste trapole e lasame fregà l palmento con la scartasa che sigur nol sarò lustro como co lu neti mi o fame mpastà l pan, che che ti voi che sepo na trapola de como se fa l pan de cafa“

I piun Joveni che sta speso al computer i sogna de diventà dei youtuber co i sarò grandi. Pensando ai veci de na olta mi ven da ridi pensando ala faccia che i varao fato. Sen sicura che per prima roba i varao dito yu che? I varao pensà sigur de no ve oldì ben. E poi co n neodo ghi varao spiegà che che jè pensi che i ghi varao dito: „Lasa perdi sta trapola e catati n laor como Dio comanda.“

Na olta no se favelava n cafa coi fioi de robe private, o de como naso i fioi o de malatie. Questi iera dei discorsi proibidi. Me recordi che co qualchidun veva na malatia no la se difeva mai n fuga e no se nominava como la se ciamava. Le vecie difeva pian che nisun no oldo che quel omo iò l mal brutto como per di che se ti lu difevi pian l Jeva via. Chisa che i dirao a savé che i Joveni sa duto e anca i fioi quaŷi. Forsi i dirao: „Pena nato e ŷa l sa de duto“

Per finì voraravi dì che no efisto na banda piun iusta del altra e no jè vero che uni iò raŷon e i altri ŷbaglia. Pensi che la Jento de na olta iera persone sincere, direte con pochi complimenti, grandi laoradori che no se fermava dananti ai problemi. No i veva grandi scule ma i iera tanto intelligenti e i veva tanto sal n suca. Ogni roba che i feva i la feva con n parché. Forsi i iera nsaradi ale robe nove e al progresso. Goreva sempro fa duto como feva i so veci sina gambià na virgola senò iera guai.

Ancoi nvese se iò scule ma i ritmi nde fa fa quaŷi duto de Joravia. Piun legadi ai soldi e meno ale nustre radighe. Pensemo tanto a noi e poco ai altri e voremo sta ben. Tante olte vemo pagura de gambià vita per no esi criticadi ma gorao ve n pò piun de coragio de esi quel che signemo. Se jè tanto gelosi dei altri e gol sempro ven de piun.

No sarao mal ogni tanto destudà i computer e i telefoni e fermase a pensà. Fa n analifi dele nustre vite e vedi ola signemo rivadi e pensà a quel che davvero voremo. Ndi ocoro na cafa cusì granda? Ndi ocoro n auto nova? Vemo quel che ndi basta o gol diventà s' ciavi dela roba e indebitase fin al colo per ve sempro de piun? Naltra domanda importante da fasi sarao se signemo davvero contenti de quel che femo e de quel che signemo. Ogni tanto girà la schena e vardasi n pò ndrio no ndi farao mal. Mparà dai veci per gambià l nustro mondo sarao la roba iusta da fa. Ogni picio gesto che nde migliora, pol migliorà anca altri n torno de noi.